



Cundiziuns d'utilisaziun per s'annunziar da duvrar e-voting en il Grischun

1. Remartgas preliminaras

Decisivas per concepir las cundiziuns d'utilisaziun èn las basas legalas existentas da la Lescha davart ils dretgs politics en il chantun Grischun (LDP; [DG 150.100](#)).

2. Champ da validitad

Las cundiziuns d'utilisaziun valan per il diever dal formular d'annunzia sco er per l'utilisaziun dal chanal da votaziun electronic.

3. Annunzia

Per utilisar il chanal da votaziun electronic ston ins s'annunziar ina giada. S'annunziar dastgan mo persunas che han il dretg da votar en la vischnanca respectiva. La persuna è obligada da far indicaziuns cumpletas e correctas. Annunzias èn pussaivlas avant mintga votaziun u elecziun. L'ultim termin d'annunzia è mintgamai 8 emnas avant il termin da votaziun u d'elecziun. S'enter la verificaziun tras la vischnanca vegn l'annunzia confermada a las persunas respectivas cun ina brev.

4. Protecziun da datas

I vegn garantì, che las datas personalas vegnan elavuradas conform a la lescha, tenor las disposiziuns vertentas dal dretg davart la protecziun da datas. Las datas personalas vegnan utilisadas unicamain per l'identificaziun da la persuna e per la spediun d'infurmaziuns intenziunada e tenor ils basegns en connex cun e-voting.

5. Effect

A las persunas ch'èn s'annunziadas per la votaziun electronica vegn en l'avegnir tramess per mintga votaziun u elecziun mo anc in attest da votar ch'è necessari per il e-voting. Ulteriurs documents da votaziun, en spezial explicaziuns tar ils projects da votaziun, vegnan mess a disposiziun mo en furma electronica. Per pudair far diever dals ulteriurs chanals da votaziun (votaziun per corrispondenza / votaziun a l'urna), sto vegnir fatga ina [communicaziun a la vischnanca cumpetenta](#).

6. Annullaziun resp. disditga

In'annullaziun da l'annunzia sco er ina disditga da l'utilisaziun dal chanal da votaziun electronic sto vegnir drizzada en scrit per posta u per e-mail a la vischnanca cumpetenta (www.gr.ch/e-voting/vischnancas).

Versiun dal november 23